



Bedakol

Kotliz koo mefta is krant. Bal sinafa lamara wal ruga is taiga aala ke istefa is ronefa Sibira, bedakol (*Rangifer tarandus*) va vakor dum bost is dace welduga mantafa vas konake decimetre meklabuson rempujed. Isen kotote koe Sibira, 250000 ik 300000 bat prantaf sulem tolon tandeon koyad. Bedakol ke meftava dum milkatcik ke ruga gilamad nume va ontinafa gola (vas 1500 ik 2000 m-) bulud. Voxe kotote me lamad kiren lanyon koe aala dun blid.

Pinapaf volnik. Ba cadimany, valpok is comafa nefta viakusa koe ruga va bedakol difud ise tatced da sin romalestud ise dace va int rotitled ! Batdume veotes sulem lasudivvawad, sinton katanason moe mazdafa noldapozla zavzasa nekev awalt. Idulugalon, bedakol va fedaxo kaaneyad lize suka dur isen beza abicote tid. Batdume koe krant ok wedafa tcelda ok krimtafa ruga ok moe krimpa lodamon tigid. Kot-cadimon, va mon 120 ruxinda maletud, don berdava (vas 50 katca) dalon tisa.

Fentugalon, kot bedakol va sinka vas 4 ik 5 kg- vieleon estur ; kan tigapafa kriza tod vafa nolda vox kan taka tod gemafa goafa bada vaon dinvoldar. Idulugalon, va werd is veruga voxis toa ke cirdata ok dzopoka. Bedakol wali lardeaksat is santaneaksat nazbalked. Tazukara va aotcafa milkava tir taneafa bazexa. Bedakolye lyumad enide tatced da kevliv va runda vannarid. Arti batyona doaliera, barmeem ke lanyon sulem zo ariser. Vomion bedakol al almotced aze va fentugalaf aftalukoptaf im al did, i va im dile riwe batakaf vaxeon keve ge is inieem is taka zavzasa loon orikafa. Abrotce ke imolk ke ge tir vas 9 cm-, is ke yinaxot vas 30 cm-. loplekur.

Abrotce : 2 m- (+ ault vas 20 cm-).


Aldo : 100 - 220 kg-

Upene : 1.10 - 1.40 m-

Blirugal : 15 tanda.



Tandeon muvugalon, bedakol va ruga bulud lize sinka turtawer. Va aadafa ruga is taiga aala artanid lize bravon ice noldot di tigid ise lofakan di romalestud. Bata lamara vas tanoy ok toloy akcat kare moolanina sokuma (200 ik 750 km-) jgjar. Bedakol keno amnadaqf zalor ton decita lizawer. Viede va mukot artaniv, pune ton tum tcastawer.



Bedakol va mantapaf krizeem tufakas va lanira moe tulwafa ok xetafa tarwava dir. Nekev intafe ontime (vas 1.30 m- ke kota), barmeem tir aklof vas cujon 10 ik 12 kp-. Gin bedakolye kidam bedakolya zo dir aze bak santaneaksat ok santoleaksat sye akoxey aze wali balemeaksat is tena ke anyusteksat di gin ariser.



Aldo ke bedakoloc tir vas 6 ik 7 kg- ba koblira bak idulugal. In arti alubika ok tevka va gasikya roderadimebanir. Muvugalon, va inaf vrod kulapaf gu sum (22 % kapbure 3.7 % ke jufhalaf vrod) van ulir. Va toloy raklami moe taka rowit lizu ba kika vas mon tanoy akcat, barmeem di divtir.

Bat bedakol va estutuna berdava ofituner. Kan krizeem, va noldabada vafa vas 50 cm- rouxar. Voxe gubeon va fakaca kaaneyar nume va xo dem mevafa bada loon nobar. Nekev inafa zalera gu noldaf fentugal, wawjon lizwer kotviele noldabada tir vafa 80 ik 90 cm-.

